


TEZAUUR LITURGIC

7 DECEMBRIE

ACATISTUL SF. IERARH AMBROZIE, EPISCOPUL MEDIOLANUMULUI



MOSCOVA, 2000



Акафист

святителю Амвросию,

епископу Медиоланскому

Кондак 1

Избраннаго чудотворца и светильника църкве Медиоланския святаго Амвросия, приидіте, вѣрнии, почтѣм по достоянію усердною хвалою. Ты же, угодниче Божій милостивый, прими с любовью сіе приношеніе наше, да зовѣм ти:

Радуйся, Амвросіе, святителю Христов и чудотворче.

Икос 1

Ангельских сил и всея твари Содетель, еще от младенческих пелен твоих предуказавый доброту души твоея, святе Амвросіе, подаде тя, в возраст пришедша, ангела църкви Медиоланстей, пастыря и учителя словесному стаду Своему, и сим научи нас звати тебе сѣце:

Радуйся, от колыбели младенческа на служение Църкви роєм пчел предуказанный;

ра́дуйся, ко святи́тельству чрез немо́тствующаго младе́нца Бо́гом при́званный.

Ра́дуйся, бога́тство, сла́ву и по́чести ми́ра презре́вый; ра́дуйся, еди́ному Го́споду служи́ти восхоте́вый.

Ра́дуйся, апо́столов Христо́вых досто́йных прее́мниче; ра́дуйся, архиере́ев святы́х преподо́бный сопресто́льниче.

Ра́дуйся, Амвро́сие, святи́телю Христо́в и чудотво́рче.

Конда́к 2

Ви́дя небе́сное промы́шление, соверши́вшееся в чу́днем призва́нии твоём ко служе́нию Це́ркви, прему́дре, посвяти́л еси́ про́чее вре́мя жити́я твоего́ на угожде́ние во́ли Боже́ственной, и прине́сл еси́ всего́ себё и вся́ своя́ в же́ртву призва́вшему тя Го́споду, поя́ ему́: Аллилу́иа.

И́кос 2

Ра́зумом богопросвещённым, напоённым же от сло́ва Бо́жия, уразуме́в я́ко основа́ние все́х добродете́лей и союз соверше́нства духо́внаго любы́ к Бо́гу и бли́жнему е́сть, благоче́стне, потща́лся явити́ ю́ в себё не сло́вом то́кмо, но де́лом и и́стиною. Те́мже бе́дствующим ру́ку

скóрья по́мощи простира́л еси́, и́мения сво́я вся́ убо́гим расточи́л еси́, и та́ко наста́вил еси́ на́с зва́ти тебе́ си́це:

Ра́дуйся, я́ко путе́м нестяжа́ния апо́стольскаго шéствовати возлюби́л еси́; ра́дуйся, я́ко все́ свое́ попече́ние на Прóмысл Бо́жий возложи́л еси́.

Ра́дуйся, милосéрдия я́же во Христé подража́телю; ра́дуйся, нищеты́ его́ до́лния доброво́льный послéдователю.

Ра́дуйся, ме́ньших бра́тий Христовых дру́же и благоде́телю; ра́дуйся, скорбя́щих и озло́бленных скóрый утёшителю.

Ра́дуйся, Амвро́сие, святите́лю Христов и чудотво́рче.

Конда́к 3

Си́лою Вы́шняго укрепля́емь, преподо́бне, труды́ и скóрби вели́каго служе́ния святите́льскаго на по́льзу це́ркве Медиола́нския, во сла́ву же Го́спода Иису́са, благоду́шно понёсл еси́, о все́х же благословля́л еси́ Бо́га, по́я Ему́: Аллилу́иа.

И́кос 3

Име́я же́зл си́лы, крéпость ева́нгельскую, по́сланную ти́ от Си́она Небе́снаго, святите́лю,

госпо́дствова́л еси́ посреде́ враго́в твои́х и не да́л еси́ волко́м ходя́щим во о́вчих ко́жах, в се́рдце же нося́щим я́д па́губы, расхи́тити ста́до твоё. Те́мже похва́льная воспису́ем ти́ сия́:

Ра́дуйся, слуго́ Спа́са ве́рнейший; ра́дуйся, стра́же до́му Бо́жия бди́тельнейший.

Ра́дуйся, па́стырю Христо́в честне́йший; ра́дуйся, поборо́ниче ве́ры, во прене́ниях с ересеучи́тельными мудре́йший.

Ра́дуйся, злочести́я арианска́го потреби́телю; ра́дуйся, пра́вых догма́тов насади́телю.

Ра́дуйся, Амвро́сие, святи́телю Христо́в и чудотво́рче.

Конда́к 4

Бу́рю крамо́лы, воздви́гшуюся на це́рковь Медиола́нскую, зря́, Амвро́сие, сладкоглаго́ливою бесе́дою твоёю, соде́йствием же Бо́жиим утиши́л еси́ мяте́ж людски́й, и та́ко научи́л еси́ ча́д ми́ра пе́ти Бо́гу: Аллилу́иа.

И́кос 4

Слы́ша Феодо́сий ца́рь пре́щение твоё, имже возбра́няшеся ему́ я́ко убийце́ вни́ти в це́рковь Бо́жию, во е́же приобщи́тися Та́йн святы́х, повинова́ся ти́, я́ко гре́шник смире́нно

ка́ющийся и прими́рения с Го́сподом
жа́ждущий. Того́ ра́ди по досто́янию возглаша́ем
ти́:

Ра́дуйся, Та́ин Бо́жих му́дрый строи́телю;
ра́дуйся, постано́влений оте́ческих ве́рный
храни́телю.

Ра́дуйся, Нафа́ну и Предте́чи соревни́телю;
ра́дуйся, законопресту́пных нелицеме́рный
обличите́лю.

Ра́дуйся, наста́вниче пока́яния и
исправле́ния; ра́дуйся, Це́ркве Медиола́нския
неумира́ющая сла́во и украше́ние.

Ра́дуйся, Амвро́сие, святи́телю Христо́в и
чудотво́рче.

Конда́к 5

Боготе́чная звезда́ на тве́рди церко́вней бы́л еси́,
оте́че Амвро́сие, све́лостью уче́ния и жити́я
твоего́ мглу́ ересе́й разгона́ющая и мра́к
безбо́жия потребля́ющая, неве́рных от тьмы́
неве́рия к све́ту невече́рнему привлека́ющая и
все́х ко спасе́нию путево́дящая, пою́щим Бо́гу:
Аллилу́иа.

И́кос 5

Ви́девшѣ тя́ медиола́нстии лю́дие му́драго пѣсту́на и любвеобильнаго о́тца па́стве своѣй, святи́телю, притека́ху к милосѣ́рдию тво́ему во всѣхъ ско́рбехъ и ну́ждахъ сво́ихъ. Ты́ же, ми́лостиве, никогóже отринул еси́, но всѣмъ вся́къ помо́щникъ бы́л еси́, досто́йный сицевы́хъ похва́л:

Ра́дуйся, си́рыхъ покрови́телю; ра́дуйся, оби́димыхъ защи́тителю.

Ра́дуйся, пленѣ́нныхъ от ва́рваръ искупите́лю; ра́дуйся, от ко́зней сатани́нскихъ свободи́телю.

Ра́дуйся, я́ко досто́йно сла́достное и́мя носи́л еси́; ра́дуйся, я́ко войсти́ну сла́достенъ наста́вникъ и пособи́тель всѣмъ бы́л еси́.

Ра́дуйся, Амвро́сие, святи́телю Христо́в и чудотво́рче.

Конда́к 6

Пропове́дникъ веще́аемыхъ ти́ от А́нгелъ к у́ху глаго́ловъ Бо́жиихъ бы́л еси́, святи́телю Амвро́сие, те́мже слова́ у́ст тво́ихъ па́че ме́да и со́та услажда́ху всѣхъ послу́шающихъ тебѣ́ и Бо́гу вопию́щихъ: Аллилу́иа.

И́кос 6

Возсия́ а́ки со́лнце свѣ́тъ добродѣ́тельнаго житія́ твоего́ на земли́, богомудре́ о́тче, в тебѣ́ бо зримъ вся́ ели́ка честна́, ели́ка пра́ведна, ели́ка пречи́ста. Сихъ ра́ди сла́вяще Свята́го Ду́ха, вино́вника бла́гихъ, от си́лы в си́лу священно́тайне ве́дшаго тя́, зове́м:

Ра́дуйся, добродѣ́телей ева́нгельскихъ пребога́тое сокрови́ще; ра́дуйся, всегда́шнихъ воздыха́ний и моли́тв я́же к Бо́гу пречестно́е святи́лище.

Ра́дуйся, крото́сти и смире́ния боголе́пное жили́ще; ра́дуйся, терпе́ния тве́рдое храни́лище.

Ра́дуйся, церкве́й Бо́жиихъ украси́телю и пречу́дный поборо́ниче; ра́дуйся, чистоты́ де́вственный учи́телю и неоску́дный слезъ исто́чниче.

Ра́дуйся, Амвро́сие, святи́телю Христо́в и чудотво́рче.

Конда́к 7

Хотя́ улучи́ти спасе́ние во мно́зе совете́, смиренномудре́, имѣ́л еси́ дру́га души́ твоея́ пресви́тера состаре́вшася и му́дра, почита́я его́ я́ко о́тца́ и с ни́м совеща́лся о де́лахъ своихъ;

вразуми́ и нас творі́ти вся́ с совѣ́том
богомудрых отцѣ́в, да окормлѣ́нием их спаса́еми,
поѣ́м Бо́гу: Аллилу́иа.

И́кос 7

Зна́мение ева́нгельскія любве́ к бли́жнему яви́л
еси́, о́тче Амвро́сие, егда́ враго́м своимъ
благотвори́л еси́ и со грѣ́шники ка́ющимися
го́рько пла́кал еси́. Те́мже ти́ я́ко
непамятозлѣ́бному па́стырю и о́тцу,
боле́зновавшу о спасѣ́нии духо́вных ча́д твои́х,
вопи́ем:

Ра́дуйся, незлѣ́бна Христо́ва подража́телю;
ра́дуйся, ка́ющимся грѣ́шником те́плый
сострада́телю.

Ра́дуйся, Иусти́не, враждова́вшей ти́,
благотвори́вый; ра́дуйся, злоде́ю твоemú ру́ку
усо́хшую исцели́вый.

Ра́дуйся, я́ко ве́сь крѣ́тость и любѣ́вь бы́л еси́;
ра́дуйся, я́ко высоты́ соверше́нства дости́гл еси́.

Ра́дуйся, Амвро́сие, святи́телю Христо́в и
чудотво́рче.

Конда́к 8

Стра́нныя и дивны́я си́лы пе́рст Бо́жий сотвори́
в жити́и твоѣ́м, святи́телю, егда́ уме́рша о́трока

воскреси́ тобо́ю, разсла́бленную исцели́, ариа́нина, почита́ния ра́ди святы́х моще́й хули́вшего тя́, бе́су преда́, безсту́дную жену́ сирми́йску уничижи́вшую тя́, ка́рою порази́. И кто́ от слы́шащих вся́ сия́ не просла́вит дивна́го в жити́и твоём Бо́га пе́снию: Аллилу́иа.

И́кос 8

Ве́сь испо́лнен бы́в ре́вности по Бо́зе, о́тче Амвро́сие, такову́ю вла́сть над де́моны стяжа́л еси́, я́ко ниже́ к двéрем до́му твоего́ прибли́зится можа́ху: о́гнь бо исходя́й отту́ду гна́ше их, я́ко пра́х, его́же возмета́ет ве́тр от лица́ земли́. Толи́ко стра́шный де́моном уго́днике Бо́жий, огради́ и на́шу не́мощь предста́тельством твои́м от губи́тельных стрéл их, да вопи́ем ти́ сицевая́:

Ра́дуйся, от ко́зней лю́таго миродéржца крéпкий ве́рных храните́лю; ра́дуйся, от зло́бных слуг егó, зия́ющих пожрéти ны́, ве́рный на́ш обличите́лю.

Ра́дуйся, я́ко пла́мень лица́ бесóв попада́ющий; ра́дуйся, я́ко грóм кичéние па́дшаго денни́цы поража́ющий.

Ра́дуйся, всю́ си́лу егѡ́ си́лою крѣ́стною попра́вый; ра́дуйся, нечи́стых духо́в от притека́ющих к тебѣ́ отгна́вый.

Ра́дуйся, Амвро́сие, святи́телю Христо́в и чудотво́рче.

Конда́к 9

Все́ жити́е на́ше во юдо́ли земна́го странствовани́я сего́ испо́лнено безчи́сленных искуше́ний и бе́д, грехо́в и страсте́й, вою́ющих на ны́: ка́ко убо́ избы́ти возмо́жем ве́чных му́к, ока́янии, егда́ пости́гнет нас сме́рть неумоли́мая, а́ще не ты́, о́тче, с наде́ждою на́шею Богома́терию, предста́тельствovati за ны́ бу́деши, поя́ Бо́гу: Аллилу́иа.

И́кос 9

Вети́я многовещáнныя ви́дим тобо́ю посра́мленныя, святи́телю: А́рия бо ху́льных после́дователей препре́л еси́, Симма́ха високо́умнаго низложи́л еси́, мудрецы́, и́же от восто́ка, глуби́ною богосло́вия своего́ удиви́л еси́, и вся́ ве́рныя учéнием и́стинным просвети́л еси́. Те́мже мо́лим тя́: осия́й и нас́ свѣ́том богоразу́мия твоего́, да отбе́гше скве́рн тлетво́рнаго ду́ха вре́мене и собла́знов бо́рителя, вопи́ем ти́:

Ра́дуйся, ду́ш на́ших просвети́телю; ра́дуйся, ве́ры правосла́вныя побо́рниче.

Ра́дуйся, велéний Бо́жиих учи́телю; ра́дуйся, плéвел вра́жиих, всева́емых в ду́ши спя́щих челове́к, искорени́телю.

Ра́дуйся, я́ко мно́гих коле́блемых неве́рием в пра́вой ве́ре укрепил еси́; ра́дуйся, я́ко догма́т о единосúщном и равночéстном Отцу́ и Ду́хови Божестве́ Сы́на уясни́л еси́.

Ра́дуйся, Амвро́сие, святи́телю Христо́в и чудотво́рче.

Конда́к 10

Спасéние соверше́нное уллучи́в от привре́менных бу́рь и бе́д, уго́дниче Бо́жий Амвро́сие, не забу́ди на́с, потопля́емых напа́стей бу́рею. Но в ни́хже са́м искуше́н бы́л еси́, и на́м искуша́емым помози́, да поём Бо́гу: Аллилу́иа.

И́кос 10

Стéну тя́ твёрдую́ и извёстно утвержде́ние граду́ твоёму́ и всём чту́щим па́мять твою́ испове́дающе, святи́телю, дерза́ем по досто́янию воспéти тебе́ хвалéние сиé:

Ра́дуйся, царей бранелюбѣвых
 умиротворителю; ра́дуйся, благодѣнствія
 оте́чественнаго хранителю.

Ра́дуйся, я́ко тобо́ю царю́ Грати́ану побѣда на
 го́ты дарова́ся; ра́дуйся, я́ко тобо́ю мно́гим ми́р
 от Феодо́сія исхода́тайствовася.

Ра́дуйся, я́ко тобо́ю прощѣние грехо́в улуча́ем;
 ра́дуйся, я́ко тобо́ю от бе́д спаса́еми, ми́р с
 Бо́гом обрета́ем.

Ра́дуйся, Амвро́сие, святителю Христо́в и
 чудотво́рче.

Конда́к 11

Пе́снь «Тебе́ Бо́га хва́лим, Тебе́ Го́спода
 испове́дуем...» па́че всякаго возду́шнаго орга́на
 усажда́ющую ве́рных, воспѣ́л еси́ в че́сть
 Божѣ́ственной Тро́ице, святителю. Ны́не же в
 Це́ркви Небе́сней по́еши со А́нгелы и́ну пе́снь
 то́йжде Тро́ице: Аллилу́иа.

И́кос 11

Светопода́тельна светі́льника, ещѣ́ на земли́
 просія́вша неvěщественным свѣ́том, ве́дуще тя́,
 о́тче святы́й, кую́ досто́йную похвалу́ принесѣ́м
 ти́ гре́шнии, ко́ею пе́снию ублажи́м тя́
 недостой́нии, о святителю Христо́в. Еди́н то́кмо

свѣдый глубины́ серде́чныя и рекий: «А́з просла́вляю́щя Мя́ просла́влю», — еди́н О́н ве́сть, ка́ко по досто́янию просла́вити тя́. Оба́че ве́дый, я́ко челове́к, на́шу не́мощь, не отри́ни, я́ко оте́ц ми́лостивый, и на́ша убо́гия, но от и́скренних серде́ц приноси́мая ти́ хвалы́ сия́:

Ра́дуйся, а́нгеле земны́й, е́ще на землѣ́ свѣ́том не́вещественным оза́ре́нный; ра́дуйся, челове́че небѣ́сный, е́ще во плóти лицезре́нием сладча́йшаго Иису́са почтѣ́нный.

Ра́дуйся, свети́льниче Божѣ́ственнаго свѣ́та, уче́нием своимъ ми́ра концы́ оза́ривый; ра́дуйся, луче́ мы́сленнаго Со́лнца, тепло́ю любве́ своея́ вертогра́д Его́ оживи́вый.

Ра́дуйся, звездо́, тве́рдь церко́вную свѣ́тло украша́ющая; ра́дуйся, похва́ло и доны́не Медиола́н осиява́ющая.

Ра́дуйся, Амвро́сие, святи́телю Христо́в и чудотво́рче.

Конда́к 12

Благода́тию небѣ́снаго покрóва твоего́ не лишѣ́ нас никогда́, о ми́лостиве́ о́тче, но при́сно моли́ся о насъ к ще́дрому Го́споду, Емۇ́же с ли́ки святи́х немóлчно поёши: Аллилу́иа.

И́кос 12

Пою́ще чуде́са и по́двиги преподо́бнаго жити́я твоего́, святи́телю, сла́вим кончи́ну твою́, е́юже ми́рно отше́л еси́ на не́бо, и ублажа́ем соца́рствование твоё та́мо с Бо́гом ве́чным. Ты же, уго́днице святы́й, при́зри с высоты́ о́наго блаже́ннаго приста́нища твоего́ на на́с, пла́вающих в молве́ жите́йских попече́ний и к тебе́, невиди́мому окорми́телю на́шему, из глубины́ ду́ши вопи́ющих:

Ра́дуйся, пла́вание своё в жите́йском мо́ри до́бре сверши́вый и безце́нное сокрови́ще ве́ры в бе́зднах его́ не потопи́вый; ра́дуйся, ко приста́нищу ра́йскому безбе́дно приплы́вый и ве́нец нетле́нный от Христа́ улучи́вый.

Ра́дуйся, я́ко та́мо ликовству́я, и на́с, до́лу су́щих, любо́вию твоёю́ дося́гаеши; ра́дуйся, я́ко ду́хом твои́м на́м вы́ну спребыва́еши.

Ра́дуйся, я́ко тобо́ю гне́ва Бо́жия избавля́емся; ра́дуйся, я́ко мо́льба́ми твои́ми к приста́нищу го́рнему направля́емся.

Ра́дуйся, Амвро́сие, святи́телю Христо́в и чудотво́рче.

Конда́к 13

Освятѣ́й и ми́лостивѣ́й уго́дниче Бо́жий Амвро́сие! Приими́ с любóвию приноси́мое си́е ма́лое, но от усер́дия приноси́мое тебѣ́ хвале́ние на́ше, и потщи́ся изба́вити нас от боле́зней душе́вных и теле́сных, от все́х бе́д и зóл, да тобо́ю улучи́вше Ца́рство Небе́сное, во ве́ки поём Бо́гу: Аллилу́иа.

Этот конда́к чита́ется трижды, затем ѵ́кос 1-й и конда́к 1-й.

Моли́тва 1

Опресла́вный чудотво́рче, в ско́рбех ско́рый помо́щниче и усер́дный о ми́ре к Бо́гу моли́твенниче, о́тче святы́й Амвро́сие! Ве́мы, я́ко ве́лие ко Спа́су има́ши дерзнове́ние, предсто́я го́рнему Престо́лу Его́, и сего́ ра́ди смире́нно припа́даем ти́: моли́ся Ему́, уго́дниче Бо́жий, да пода́ст наро́ду Росси́йскому благоде́нственное и ми́рное жити́е, да изба́вит от вра́г ви́димых и неви́димых, от наше́ствия иноплеме́нных, от недуга́ и гла́да, от вся́кия ско́рби и смертоно́сныя я́звы и от вся́каго зла́; на́м же все́м, ве́рою пра́зднующим святу́ю па́мять твою́ и усер́дно хода́тайства твоего́ ча́ющим, да ниспо́слет вся́ благопотре́бная ко вре́менному и

вѣчному житію на́шему, па́че же оста́вленіе грехо́в, ми́р по́мыслов, ти́шину́ се́рдечную, здра́вие ду́шам и теле́сѣм на́шим. Е́й, святи́телю Бо́жий, па́стырю Хри́стов ми́лостивейший, покрови́телю на́ш гото́вейший! услы́ши на́с, е́ще еди́наго от тебѣ прося́щих: бу́ди те́плый моли́твенник и предста́тель ко Го́споду о духо́вных па́стырех и отце́х на́ших (имена́), и́же не́мощи на́ша но́сят и о на́с боле́знуют, до́ндеже вообрази́тся в на́с Хри́сто́с, да сохрани́т О́н, всеблагі́й и вся́ могу́щий Влады́ка, дража́йшія дни́ житія́ их в неру́шимом ми́ре и крѣ́пости си́л духо́вных и теле́сных, да приведе́т на́с, недостойных рабо́в Свои́х, их окормле́нием и моли́твами, твои́м же хода́йством и заступле́нием ко пристáнищу жи́зни несконча́емая, иде́же херуви́ми и серафíми, святи́и всі́ с Богоро́дицею и с тобо́ю, покрови́телем на́шим, непреста́нными гласы́ сла́вят Отца́, и Сы́на, и Свята́го Ду́ха, ны́не и прі́сно и во ве́ки веко́в. Ами́нь.

Моли́тва 2

Овсесвяты́й Амвро́сие, уго́днице Бо́жий изря́днейший, покрови́телю мо́й ми́лостивейший! При́зри с высоты́ го́рняго жили́ща твоего́ на мя недостойнаго, неради́ваго,

унылаго в настоящем житий сѣм. Виждь менѣ грѣшнаго, в толицем обстоянии сущаго, умом помраченнаго, волею ко злу преклоненнаго, и сердцем паче к земли, неже к небеси, прилепленнаго. Виждь страстное обуревание души моея и немощь и небрежение мое. Виждь при сѣм и коварство злоначальника и губителя моего, виждь, о святителю Христов, и умиласердися о мнѣ, таковаго ради положения моего. Помози ми, о заступниче мой, скорым предстательством твоим. Исходатайствуй ми от Отца щедрот бодрость и силу, во еже творити волю Его, благою, угодную и совершенную, страсти моя умертвити, демона низложить, мир себе распяти и себе миру, и тако достигнути христианския кончины живота своего, безболезненны, непостыдны, мирны. По исходе же притрепетныя души моея от окаеннаго и брэннаго телесе сего, буди ей ангел покровитель, добр спутник, верен хранитель и защитник от лютых нападений начальника воздушных мытарств, да безбедно прешед оныя, силою предстательства твоего, сподоблюся прочее и аз, последний из всех, иже в царстве благодати, узрѣти сладчайшее лице Господа нашего и славити Его со Отцем и Святым Духом, и твоѣ

мѣлостивное о мнѣ предстательство, во вѣки
вѣковъ. Аминь.



**ПОЛНЫЙ
АКАФИСТНИК
КАНОНИЧЕСКИЙ**

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ



НОВЫЕ
* ИСКУССТВА